



*defunctorum, quae Deo in charitate conjunctae ab hac luce migraverint, per modum suffragii directe applicare valeant.* Quas omnes et singulas, licet pro eo quod respicit vivorum favorem, hoc jubilaei anno durante generaliter, ut infra, suspensas ad praedictum tamen effectum ipsius anni decursu, etiam si in eorum concessionibus hujusmodi applicandi facultas indulta non fuerit, ab omnibus utriusque sexus Christifidelibus, qui injuncta in ipsis concessionibus opera cum debitis dispositionibus impleverint, acquiri posse concedimus et indulgemus.

Praeservatis et firmis remanentibus facultatibus tribunalis officii Inquisitionis adversum haereticam pravitatem auctoritate apostolica instituti ejusque officialium, missionariorum quoque et ministrorum, qui ab eodem tribunali seu a congregatione VV. fratrum Nostrorum ejusdem S. R. E. Cardinalium negotiis Propagandae Fidei praeposita vel alias a Sede praedicta ad id deputati fuerint et praesertim facultate absolventi ab haeresi illos, qui abjuratis eorum erroribus capaces ejusdem absolutionis redduntur, aliisque facultatibus, quae ab officio Poenitentiarum Nostrae apostolicae missionarii in locis missionum earumque occasione ab ipsis exercendae concessae fuerint. Item salvis et illaesis remanentibus facultatibus tam VV. fratrum Episcoporum aliorumque superiorum antistitum in suis respective dioecesibus, circa dispensationes et absolutiones suorum subditorum in casibus occultis etiam Sedi apostolicae reservatis, prout ipsis a sacra Tridentina Synodo seu alias, etiam in publicis a jure communi ecclesiastico et ab eadem apostolica Sede pro certis personis et casibus indultae permissaeque dignoscuntur; quam etiam superiorum ordinum regularium quaecumque ipsis in regulares pariter sibi subjectos a

Sede apostolica praedicta tribulae fuerunt.

Ceteras tam plenarias quam non plenarias etiam perpetuas et peccatorum remissiones ac facultates et indulta absolventi etiam a casibus Nobis et Sedi apostolicae reservatis, seu relaxandi censuras, commulandi vota aut dispensandi etiam super irregularitatibus et impedimentis, quibusvis ecclesiis, monasteriis, hospitalibus etiam sancti Joannis Hierosolymitani, domibus, militiis, ordinibus etiam mendicantium, congregationibus, confraternitatibus etiam laicorum, universitatibus et piis locis, illorumque ordinibus, capitulis, conventibus, magistris, superioribus et tam saecularibus quam quorumvis etiam mendicantium ordinum regularibus personis, coronisque, granis, imaginibus et numismatibus ex metallo seu quacumque alia materia confectis, tam singulariter quam universaliter per quoscumque romanos pontifices praedecessores Nostros ac etiam Nos, etiam ad instantiam imperatoris, regum, ducum et aliorum principum, aut ipsis etiam imperatori, regibus, ducibus et principibus vel aliis quacumque alia mundana vel ecclesiastica dignitate fulgentibus, etiam ad instar jubilaei aut alias quomodocumque et ex quibusvis causis et occasionibus, sub quibuscumque tenoribus et formis, ac cum quibusvis clausulis et decretis etiam motu proprio et ex certa scientia ac alias quomodolibet concessas et concessa, quorum omnium tenores, formas, derogationes et decreta praesentibus pro expressis haberi volumus, apostolica auctoritate, de eorumdem fratrum consilio et consensu ac potestatis Nostrae plenitudine suspendimus ac suspensas et suspensa esse declaramus easque et ea eodem anno durante nulli prodesse ac suffragari debere. Irritum quoque et

inane decernimus, si secus super his a quoquam, quavis auctoritate, scienter vel ignoranter, contigerit attentari. Quocirca per praesentes auctoritate apostolica praecipimus et mandamus ne interim praeter superius expressas aliae, quam indictae a Nobis praedicti Jubilaei indulgentiae, sive publice sive privatim quovis praetextu ubivis locorum et gentium sub excommunicationis eo ipso incurrendae aliisque arbitrio ordinariorum infligendis poenis publicentur vel nuncientur aut in usum demandentur.

Non obstantibus praemissis ac constitutionibus et ordinationibus apostolicis necnon ecclesiarum monasteriorum, conventuum, ordinum, congregationum, hospitalium, confraternitatum, universitatum, collegiorum et locorum praedictorum etiam juramento, confirmatione apostolica vel quavis firmitate alia roboratis, statutis et consuetudinibus: privilegiis quoque, exemptionibus ac indultis apostolicis, illis eorumque superioribus et personis ac aliis quibuscumque per eosdem romanos pontifices praedecessores Nostros, ac Nos et dictam Sedem, ejusque legatos sub quibuscumque tenoribus et formis ac cum quibusvis clausulis et decretis et ex quibusvis causis concessis, confirmatis et innovatis: quibus omnibus, etiamsi in illis caveatur expresse quod sub similibus vel dissimilibus suspensionibus nequaquam comprehendantur, nisi de illis specialis et individua mentio fiat, illis alias in suo robore permansuris ad effectum praemissum, hac vice dumtaxat, specialiter et expresse derogamus caeterisque contrariis quibuscumque.

(Bull. r. Continuatio t. IV. p. 712. Ed. Rom. 1841.)

Leo PP. XII.

Cum Nos nuper sancti Jubilaei celebrationem in hac alma urbe a vigilia

Nativitatis D. N. Jesu Christi proxime futura inchoandam et usque ad finem sequentis anni duraturam universo populo Christiano de VV. FFr. N. S. R. E. Cardinalium assensu indixerimus, ac omnibus utriusque sexus christifidelibus vere poenitentibus et confessis ac sacra communione reffectis, qui beatorum Petri et Pauli apostolorum nec non sancti Joannis Lateranensis et sanctae Mariae Majoris de urbe basilicas certis vicibus visitaverint plenissimam omnium peccatorum suorum indulgentiam, remissionem et veniam concesserimus, prout in Nostris desuper confectis literis plenius continetur; cupientes ut christianae nationes ex omnibus terrarum orbis locis in hac urbe Nostra in fidei ac religionis unitate congregatae eodem pietatis ac devotionis spiritu basilicas praedictas, quo maximo fieri poterit concursu, durante eodem Jubilaeo, visitantes et frequentantes tanti et tam certi spiritualis emolumenti compotes fiant multorum Romanorum pontificum praedecessorum Nostrorum exemplo adducti indulgentias et facultates ab apostolicae Sedis liberalitate alias emanatas pro hoc anno suspendere et nihilominus tum spiritualibus fidelium per universum orbem degentium necessitatibus paterna charitate consulere tum pium devotionis favorem erga laudabilia quaedam religionis et pietatis opera in christianorum animis conservare et fovere tum demum suffragia in fidelium defunctorum levamen atque subsidium erogari solita neutiquam imminuere, eorumdem praedecessorum vestigiis insistentes decrevimus et constituimus.

Itaque, praeservatis et firmis remanentibus indulgentiis concessis in articulo mortis ac facultatibus seu indultis illas impertiendi seu communicandi tam venerabilibus fratribus Episcopis ac dilectis filiis praelatis locorum

ordinariis in vim seu ad formam litterarum apostolicarum felicitatis recordationis Benedicti Papae XIV. praedecessoris Nostri sub datum Nonis Aprilis anni 1747\*) editarum, quam aliis quibuscumque communiter aut personaliter seu pro certo personarum genere gradu aut numero concessis; itemque iis, quas felicitatis pariter recordationis praedecessor item Noster Benedictus PP. XIII. cunctis fidelibus salutationem angelicam seu alias preces de tempore mane aut meridie seu vespere ad campanae pulsus, de genu vel iuxta dierum et temporum rationem stando recitanti- bus; similiter indulgentiam septem annorum et totidem quadragenarum, quam secundo dictus Benedictus Jubilaei anno durante omnibus christifidelibus tam in urbe, quam extra eam ubicunque degentibus, qui sacramentaliter confessi et sacra communione refecti vel saltem vere contriti et cum firmo proposito confitendi ecclesias, in quibus augustissimum Eucharistiae sacramentum pro oratione quadraginta horarum eo anno durante expositum esset, devote visitassent, ibique iuxta Sanctae Matris Ecclesiae mentem orassent, toties quoties id egissent, per apostolicas litteras in forma brevis die secunda Maji 1725 datas benigne concessit, quamque Nos etiam, illius exemplo pro proxime ineunte Jubilaei anno et tam pro urbe quam pro aliis ubique locis praesentium tenore libenter concedimus et elargimur; atque illis etiam quam similis memoriae Innocentius XI. et Innocentius XII. Romani pontifices praedecessores Nostri fidelibus sanctissimum Eucharistiae sacramentum, cum ad infirmos deferretur, devote comitantibus vel lumen aut faciem per alios ea occasione deferendum seu

(\*) Vd. Indulg. plenar. pro Morib. (Facultat.)

deferendam mittentibus similiter concesserunt, tum etiam indulgentiis a Sacra Romana Ecclesia Cardinalibus de latere legatis et apostolicae Sedis nunciis, ac Episcopis in usu seu exercitio pontificalium aut impertienda benedictione aliave forma consueta concedi solitis; item salvis et firmis remanentibus indulgentiis altarum privilegiorum pro fidelibus defunctis, aliisque eodem modo pro solis ipsis defunctis concessis, atque etiam aliis quibuscumque indulgentiis et peccatorum remissionibus alias pro vivis concessis ad effectum dumtaxat, ut christifideles illas animabus fidelium defunctorum, quae Deo in charitate conjunctae ab hac luce migraverint, per modum suffragii directe applicare valeant, quas omnes et singulas, licet pro eo quod respicit vivorum favorem, hoc Jubilaei anno durante generaliter, ut infra, suspensas ad praedictum tamen effectum ipsius anni decursu, etiamsi in earum concessionibus hujusmodi applicandi facultas indulta non fuerit, ab omnibus utriusque sexus christifidelibus, qui inuncto in ipsis concessionibus opera cum debitis dispositionibus impleverint, acquiri posse concedimus et indulgemus.

Praeservatis etiam et firmis remanentibus facultatibus tribunalis officii Inquisitionis adversus haereticam pravitatem auctoritate apostolica instituti, ejusque officialium, missionariorum quoque et ministrorum, qui ab eodem tribunali, seu a congregatione VV. FFr. N. S. R. E. Cardinalium negotii propagandae fidei praeposita vel alias a Sede praedicta ad id deputati fuerint et praesertim facultate absolendi ab haeresi illos, qui abjuratis eorum erroribus capaces ejusmodi absolutionis redduntur; aliisque facultatibus, quae ab officio Poenitentiarum Nostrae apostolicae missionariis in locis missionum earumque occasione ab ipsis exercendae con-

cessae fuerint. Item salvis et illaesis remanentibus facultatibus tam VV. FFr. N. Episcoporum aliorumque superiorum antistitem in suis respective dioecesibus circa dispensationes et absolutiones suorum subditorum in casibus occultis etiam Sedi apostolicae reservatis, prout ipsis a sacra Tridentina synodo, seu alias etiam in publicis a jure communi ecclesiastico et ab eadem apostolica Sede pro certis personis et casibus indultae permissaeque dignoscuntur, quam etiam superiorum ordinum regularium quaecumque ipsis in regulares pariter sibi subjectos a Sede apostolica praedicta tributae fuerant.

Caeteras omnes et singulas indulgentias tam plenarias quam non plenarias etiam perpetuas et peccatorum remissiones et facultates et indulta absolventi etiam a casibus Sedi apostolicae quomodolibet reservatis, seu relaxandi censuras, commutandi vota aut dispensandi etiam super irregularitatibus et impedimentis quibusvis ecclesiis, monasteriis, hospitalibus etiam sancti Joannis Hierosolymitani, domibus, militiis, ordinibus etiam mendicantium, congregationibus, confraternitatibus etiam laicorum, universitatibus et piis locis illorumque ordinibus, capitulis, conventibus, magistris, superioribus et tam saecularium, quam quorumvis etiam mendicantium ordinum regularibus personis coronisque, granis, imaginibus et numismatibus ex metallo, seu quacumque alia materia confectis tam singulariter, quam universaliter per quoscumque Romanos pontifices praedecessores Nostros ac per Nos etiam ad instantiam catholicorum principum, aut ipsis vel aliis quacumque alia mundana vel ecclesiastica dignitate fulgentibus etiam ad instar Jubilaei aut alias quomodocumque et ex quibusvis causis et occasionibus sub quibuscunque tenoribus et formis ac

cum quibusvis clausulis et decretis etiam motu proprio et ex certa scientia ac alias quomodolibet omnium tenores et formas, derogationes et decreta praesentibus pro expressis haberi volumus apostolica auctoritate de eorundem fratrum consilio et assensu ac potestatis Nostrae plenitudine suspendimus et suspensa esse declaramus easque et ea eodem anno durante nulli prodesse ac suffragari debere; irritum quoque et inane decernimus, si secus super his a quoquam quavis auctoritate scienter vel ignoranter contigerit attentari. Quocirca per praesentes auctoritate apostolica praecipimus et mandamus, ne interim praeter superius expressas alias quam indictae a Nobis praedicti Jubilaei indulgentiae sive publice sive privatim quovis praetextu ubivis locorum et gentium sub excommunicationis eo ipso incurrendae aiusque arbitrio ordinariorum infligendis poenis publicentur vel nunciuntur aut in usum demandentur. Non obstantibus praemissis ac constitutionibus et ordinationibus apostolicis nec non ecclesiarum, monasteriorum, conventuum, ordinum, congregationum, hospitalium, confraternitatum, universitatum, collegiorum et locorum aliorumque praedictorum etiam juramento, confirmatione apostolica vel quavis firmitate alia roboratis statutis et consuetudinibus; privilegiis quoque, exemptionibus, et indultis apostolicis illis eorumque superioribus et personis ac aliis quibuscunque per eosdem Romanos pontifices praedecessores Nostros ac Nos et dictam Sedem ejusque legatos sub quibuscunque tenoribus et formis, ac cum quibuscunque tenoribus et formis, ac cum quibusvis clausulis et decretis et ex quibusvis causis concessis, confirmatis et innovatis; quibus omnibus, etiamsi in illis caveatur expresse, quod sub similibus vel dissimilibus suspensionibus